

30- قطع العلائق | جذور | دورة الاستعداد لرمضان ٢٤٤١ هـ

محمد حسين يعقوب

نزلت الامانة في جذر قلوب الرجال. ثم علموا من القرآن وعلموا من السنة السلام عليكم ورحمة الله وبركاته اعوذ بالله من الشيطان الرجيم. بسم الله الرحمن الرحيم الحمد لله رب العالمين والصلاة والسلام على اشرف المرسلين سيدنا محمد وعلى اله وصحبه اجمعين. اما بعد فاخوتي في الله - [00:00:00](#)

انا احبكم في الله. واسأل الله جل جلاله ان يرزقني واياكم الاخلاص في القول والعمل. وان ينجيني واياكم من الفتن فظهر منها وما بطن. هنا المدرسة الربانية وهذه دورة الاستعداد لرمضان لعام الف واربعمئة واسنا واربعون - [00:00:29](#)

لرمضان استعد الاستعداد لرمضان. سؤال هل رمضان يستحق ان نستعد له نعم بكل تأكيد رمضان شهر غير طبيعي شهر مختلف تماما رمضان فيه عتق من النار. فرص يومية رمضان فيه مغفرة ذنوب ما تقدم - [00:00:54](#)

ما تقدم رمضان فيه مضاعفة حسنات رمضان الله وملائكته يصلون على المتسحرين. رمضان دعوة مستجابة عند كل افطار. رمضان هاقول لك رمضان رمضان للصباح وخطورة رمضان رغم انف من ادركه شهر رمضان - [00:01:30](#)

ولم يغفر له لذلك لابد من الاستعداد لرمضان وهنا قلنا قال الله عز وجل ولو ارادوا الخروج لاعد دايمًا احنا مركزين على اعده وبنسى اراده الامر محتاج في الاول ايه - [00:01:57](#)

ارادة ارادة ولو ارادوا ولو ارادوا الخروج لاعدوا له عدة الارادة ابتداء اللي هي قلنا عليها انشراح الصدر لطلب الهداية ليه قلنا عليها نفس لينة منقادة هادئة قابلة قلنا ان البداية - [00:02:23](#)

انخلاع شروط التوبة اول شرط الانخلاع هو موعد الانخلاع الساعة كم الانخلاع الطائفة يعني ايه اقلعت ارتفعت ارتفعت هو ده الانخلاع. الانخلاع عن الزنب انك انت ترتفع عن ارضيتك وطينيتك - [00:02:50](#)

ترقى وتسمو تطلع لفوق ابعد عن التصاق بهذه العلائق قطع العلائق آآ ايها الاخوة اذا اردنا النجاح احنا عمالين نحط آآ بنجهز الارض ان تجهيز الارض في البداية آآ تجهيز الارض في البداية - [00:03:17](#)

قطع العلائق تنقية الارض من الحشائش من الطوب والحجارة اعداد الارض ديت ارض القلب انك انت تبطل ادمان ادمان الكلام في ناس بتتكلم وبتتكلم كثير وكثير جدا وانا مش عارف مش قادر احكم هو عارف انه بيتكلم كثير ولا مش عارف - [00:03:53](#)

هو حاسس انه بيتكلم كثير ولا مش حاسس طب اذا كنت مش عارف ولا مش حاسس انا بقول لك انت بتتكلم كثير بطل كلام كان بعض السلف يحصي عدد كلماته في اليوم. يقول لك انا اتكلمت النهاردة - [00:04:25](#)

كم كلمة يذكر عن ابي عاصم النبيل انه قال من مزعلقت لم اتكلم بكلمة الا واعدت لها جوابا. ان سألني الله لم قلت كذا؟ اقول لك كذا وكذا جاهز؟ جاهز لاجابة السؤال ده - [00:04:46](#)

ان لما ربنا يسألك انت قلت كده ليه؟ تقول له عشان كذا وكذا بتجهز لهذا سيدنا ابو بكر الصديق رضي الله عنهم كان يضع حصة على لسانه يثقل بها لسانك - [00:05:12](#)

نجيب زلطة يحطها على لسانه عشان لسانه يبقى ثقيل ما يتكلمش. كل اما ييجي يتكلم يحس انه على لسانه حاجة هو سيدنا ابو بكر اللي دخل عليه سيدنا عمر لقيه - [00:05:34](#)

ماسك لسانه فقال لهم مهما اوعى ايدك بتعمل ايه فقال هذا الذي اوردني الموارد وانا مش عايز بقى اتحسر واقول ياه لسان سيدنا ابو بكر والموارد وسيدنا ابو بكر قال ايه - [00:05:50](#)

قال ايه ؟ ده انت لما تتعد له الاحاديس يقول لك مسند ابي بكر الصديق. في اول مسند الامام احمد. اتناشر حديس قاعد مع النبي ليل ونهار وببسمعه ليل ونهار وكل اللي رواه - [00:06:18](#)

سبحان الله العظيم شيه عجيب جدا لسانك عايزين نبطل ادمان الكلام ادمان النظر ادمان السماع ادمان التليفون ادمان النت بطل ادمان دي الاولانية الثانية قلنا يكمن النجاح في امرين اثنين - [00:06:34](#)

النجاح المهم اللي احنا هنقوم بها اللي هي قضية الاستعداد لرمضان حاجتين اتنين يكمن النجاح في هذه المسألة على امرين اثنين. اولاً الا تسارع الا تسارع في تلبية شهوات النفس - [00:07:07](#)

الا تسارع في تلبية شهوات النفس مش كل ما نفسك في حاجة تعملها مش كل ما خطرت على بالك حاجة تعملها. يعني انت قاعد كده وبعدين نفسك بتقول لك قوم بص من الشباك ما تجرّيش تبص من الشباك - [00:07:38](#)

خطر على بالك انك تطلع التليفون. ما تطلقش التليفون قاوم جاهد اسكت خالف هواك ونفسك نفسك تقول لك كل طب مش دلوقتي هي دي ترويض النفس على الانقياد قلناها التدريب العملي على - [00:08:02](#)

ترويض النفس الخلاص من تأديه الهوى والنفس ازاى تقدر تروض نفسك ان مش هي اللي تأمر وتنهى وقلنا ان ربنا علمنا كده ان احنا في رمضان قدامك كوباية الماية وريقك ناشف ونفسك تبل ريقك - [00:08:40](#)

اشرب لسة فاضل خمس دقائق على الاذان فاضل دقيقة ما يجراش حاجة مش هتفرق دقيقة. لأ تفرق هي دي اقامة حاكمية الله على النفس ان مش باشرب عشان عطشان ده انا بشرب لما ربنا يأمرني - [00:09:06](#)

وامتنع ولو هاموت لما ربنا يأمرني هي دي البداية عدم مطاوعة النفس في كل ما تطلب. اتنين فقه التعامل مع الاجهاد التعب يبقى النجاح في هذه المهمة يرتكز على امرين - [00:09:30](#)

الاول الا تطاوع النفس في كل ما تطلب. اتنين فقه التعامل مع الاجهاد. كتير مننا بيتعب بسرعة او مش بيتعب بيحس انه تعبنا بسرعة والحقيقة مش كده انا قلت لكم قبل كده - [00:09:55](#)

شجعني زمان ان انا شفت ومدرّب بيدرب لعبية كورة في مدرج كده حوالي عشرين آ درجة اطلعوا وانزلوا اطلعوا وانزلوا جري. اطلعوا ينزلوا جري. اطلعوا ينزلوا جري. وما فيش حد بيقف. اطلع وانزل اطلع واطلع وانزل. اللي يقف واللي يتعب - [00:10:15](#)

معه خزانة اطلع طب ده عشان ايه ؟ عشان يلعب كورة طب انا اقدر اعمل كده لله هي دي قضية ان انا اقف اصلي بخمس اجزاء هي دي قضية ان انا اصوم - [00:10:36](#)

في التربية يعني ثلاث اربع خمس ست ايام مواصل ان انا بفطر باكل اكلة واحدة الساعة اتناشر بالليل من نوع انواع التربية والتهذيب النفسي الاعمال اللي هي فيها اجهاد اجهاد بدني ان انا اقعد افضل قاعد - [00:11:02](#)

قاعد اقرأ خمس اجزاء وانا قاعد وانا قاعد فسبح ميت الف التعامل مع الاجهاد اللي هي قضية ان انا ما بتعبش طالما ان دي لله ازاى ما بتعبش يعني والنبي صلى الله عليه وسلم لما سجد حتى ظنت انه قبض ما كانش تعبنا - [00:11:30](#)

لما وقف لما رجليه ورمت الاحاديث الصحيحة بتقول كده. قام حتى تورمت قدماه حديث في الصحيح في النسائي صحيح حتى سالت قدمه دما والنبي ده مش كان بشر زينا ولا ما كانش بشر - [00:12:00](#)

بشر صلى الله عليه وسلم كم بشر لحم ودم بيتعب ولكن هي دي اللي انا بقول عليها فقه التعامل مع الاجهاد انك انت لازم لازم انا بقول اهو. لازم تتعب لله - [00:12:19](#)

ياما ناس بتتعب عشان الفلوس بيتعب عشان الشهرة عشان يعني الناس اللي بتعمل حاجات لا تصدق عشان يدخل موسوعة جنس آ بيعمل حاجات لا تصدق ليه ؟ بس عشان حاجة ما لهاش اي لازمة في الدنيا. انا اعمل بقى عشان ادخل الجنة - [00:12:37](#)

يبقى لازم للنجاح امرين اثنين. الاول لا تطاوع النفس في كل ما تطلب. اتنين مقاومة الشعور بالاجهاد مقاومة الشعور بالاجهاد تعالوا عايزين نبدأ نبدأ بداية حقيقية والبداية الحقيقية ديت عايز اقول - [00:13:04](#)

آآ خطورتها فين اول مرة اتكلمنا في الامر ده قبل كده وقلنا ان اول مرة انا بسألك انت صمت كم رمضان في حياتك؟ انت صمت كم رمضان؟ خامس رمضان ماشي عاشر رمضان - [00:13:29](#)

عشرين رمضان فاتوا ثلاثين رمضان خمستاشر اتناشر عشرة السؤال هل اعتقت رقبتهك من النار رمضان كل يوم ربنا له عتقاء من النار يبقى عندك ثلاثين فرصة ان لم تعتق في اول ليلة من رمضان تعتق فيه ثاني ليلة تالت ليلة لحد ثلاثين ويوم ثلاثين رمضان اوآخر ليلة في رمضان ربنا بيعتق - [00:14:08](#)

قدر ما اعتق طول الشهر يا ترى الفرص دي ثلاثين في عشر سنين صيام ادي تلتيمت فرصة عتق من النار ولم تعتق ايه السبب كل ما يمكن اعتقت انت لو اعتقت - [00:14:41](#)

ما كانش بقى ده حالك حال واحد اعتق من النار طيب الفرص اللي ربنا بيديها لك ديت مشكلة كبيرة انك بتضيعها لان ربنا هيحاسبك عليها اللي بيسموها اقامة الحجة ان ربنا اقام عليك الحجة - [00:15:08](#)

اديتك فرصة قلت لك صوم صح وانا هعتقك بالليل وانت ما صمتش صح اذا صمت فليصم سمعك وبصرك ولسانك ولا تجعل يوم صومك كيوم فطرك لا تجعلهما سواء انت قضيتها نوم بالنهار - [00:15:35](#)

وتهريج بالليل وضاع منك رمضان حجة ربنا اقام عليك الحجة مرة واتنين وتلاتة انا بقول اهو اول يوم وتاني يوم وخامس يوم وعاشر يوم ويوم عشرين فات عشرين فرصة ثلاثين فرصة - [00:16:00](#)

تلتيمت فرصة اللي زي ده ربنا جل جلاله بتبقى اعطاء فرصة جديدة محتاجة توبة جديدة محتاجة عهد جديد مع الله اسمع فان رجعتك الله الى طائفة منهم فاستأذنوك للخروج فقل - [00:16:17](#)

لن تخرجوا معي اذق ابداء ولن تقاثلوا معي عدوا انكم رضيتم بالقعود اول مرة فاقعدوا مع الخالفين محتاج تسمع الاية دي ثاني فان رجعتك الله الى طائفة منهم فاستأذنوك للخروج - [00:16:53](#)

وقل لن تخرجوا معي ابداء ولن تقاثلوا معي عدوا انكم رضيتم بالقعود اول مرة. لما قعدوا اول مرة ربنا عاقبهم بلن مرتين ان اول مرة اول رمضان صمته قلنا لك فيه عتق من النار انت لم تسعى الى هذا العتق - [00:17:22](#)

بطلت اكل وشرب لحد المغرب وفضلت تاكل وتشرب من المغرب لحد الفجر وما طلبتش العتق فانت الفرصة جاي بعد كده تقول اعتق انت رضيت بالقعود اول مرة. طب اعمل ايه؟ تعالوا في الحلقة الجاية نقول هنعمل ايه؟ احبكم في الله. والسلام عليكم ورحمة الله - [00:17:47](#)

لرمضان استعد. نزلت الامانة في جزر قلوب الرجال - [00:18:13](#)